

لوک کہانی راجا پورس دیاں نینہاں تے سبھا

☆ ڈاکٹر سعید خاور بھٹا

راجا پورس پنجاب دا اچھا سورما ہے، جیہدی سورم گتی نوں جگت پدھر اُتے سراہیا گیا ہے۔ 327 ق م وچ ویہت دے کنڈھے اُتے سکندر مقدونی تے راجا پورس وچکار لڑی جان والی لڑائی (۱) وچ سکندر دے نال یونانیاں توں اڈ پراجیاں جوہاں دیاں فوجاں وی شامل ہاں۔ ایہناں سمکالیاں دیاں روایتاں اُتے ای یونانی، لاطینی، سریانی، پہلوی تے حبشی دیاں سکندر بارے تاریخاں اُسریاں۔ ایہہ تاریخ و ت عربی، فارسی وچ وی نظر بندی ہے۔ ایہناں روایتاں وچ تاریخ تے افسانہ چھیاں پاوندے دکھالی دیندے ہن، پر ہک گل سھناں کول سانجھی ہے کہ راجا پورس جنی بہادری نال اکھوتی ”فاتح عالم“ دا مقابلہ کیتا، اوہدی دوج نہیں ملدی۔ تاریخ دے عربی، فارسی سوئے پنجاب دے کلاسیکی شاعراں کولوں گجھے ناہن، اوہناں دے کول سکندر دا حوالہ تاں سہج سبھا ویکھیا جاسکدا ہے، پر پورس دی بہادری نوں اوہناں کدی نہیں وڈیا۔ انگریزی راج مگروں یونانی تے لاطینی سومیاں دے انگریزی ترجمیاں راہیں پنجاب دے باؤ سوجھوان لہندی مورخاں دی وچار دھارا توں جانو ہوئے۔ کجھ سوجھواناں دا وچار ہے کہ سنسکرت وچ سکندر مقدونی دے ہلے دا سرا ملدا ہے، پر اسیں اگے چل کے ایہدے بارے اپنے وچار پیش کریسن۔ ہرکھ والی گل ایہہ وے کہ تاریخ دے پناں اُتے پورس دی جیہدی مورت اگھڑی ہے، ایہہ دوجیاں قوماں دی دین ہے۔ پنجابی آپوں پورس نوں کیویں ویکھدے ہن؟ ایس

پکھوں پنجاب دا پلا سکھنا ای رہیا ہے۔

اسیں 1991ء وچ لوک کتھی میٹیں کمال دین کولوں ”راجا پورس“ دی کہانی فیتہ بند کیتی ہا، جیہڑی گورنمنٹ کالج لہور دے ”راوی“ 1993ء وچ چھپی۔ (۲) ایہدے مگروں اسیں ”کمال کہانی“ وچ شامل کیتی۔ جدوں اسیں کمال دین توں پچھیا کہ تساں ایہہ کہانی کیہدے توں سنی ہے تاں اوہناں اساڈے سوال دے جواب وچ دسیا:

”پیودادے دیاں گلاں وچوں میرے ہتھیں کچھ نہیں آیا۔ میں تاں اودوں بال ہام، جدوں اوہ موئے۔ ماما میرا جیہڑا ہے، اوس نوں گلاں تے کہانیاں یاد ہان۔ اوہدے کولوں میں سُن کے پکائیاں ہن، ”اکبر بادشاہ دی“، ”راجپوتاں دی“، ”راجے پورس دی“، ”راجے کرنال دی“، ”باقی دیاں ایدوں آدوں۔“ (۳)

راجا پورس دی کہانی انج ہے کہ ایران دا شاہ دارا سسے دا نشا بھر بادشاہ ہو یا ہے۔ اودوں مقدونیہ دا بادشاہ فیلقوس وی اوہدے اگے ٹکے تاریندا ہا۔ (۴) جدوں فیلقوس دا پُتر سکندر بادشاہ بندا ہے تاں اوہ دارے اگے ٹکے تارن توں نابرتھیندا ہے۔ شاہ دارا مقدونیہ اُتے حملہ کریندا ہے تاں دارے دے دو وزیر سکندر نال رل جاندا ہے ہن تے اوہ دارے نوں پھڑ کر چھڈ دے ہن۔ پھڑ دارا سکندر نوں وصیت کردا ہے کہ جے توہیں ایران تے شاہی کرنی ہے تاں میری دھی نال شادی کر لئیں۔ سکندر ایران دی فتح مگروں دارے دی دھی نال شادی کر لیندا ہے تاں سکندر دی بیلائی نوشابہ وی یونان توں ایران آ جاندی ہے۔ ارسطو سکندر نوں نوشابہ دے بیلپ توں ہٹکدا ہے۔ ارسطو دے ہٹکن تے سکندر کھلور ہندا ہے۔ نوشابہ نوں پتہ چلدا ہے کہ سکندر پنجاب اُتے حملہ کرو ہے تے اوہ توں دے راجا پورس دا بھو اوہدے من وچ بیٹھا ہو یا ہے۔ نوشابہ سوداگراں دا بانا پا کے پنجاب آ جاندی ہے۔ اودوں رکھنی دا دیہاڑ ہے۔ اوہ کسے طرح پورس دے محل تیکر اپڑ ویندی ہے۔ نوشابہ پورس نوں آکھدی ہے کہ میتھے بھرا کوئی نہیں تے میں تینوں بھرا بناو آئی ہاں۔ پورس ہتھ اگے کردا ہے تاں اوہ گانا بھندی ہے۔ پورس آکھدا ہے لاگ منگ۔ نوشابہ آکھدی ہے جے سکندر تیرے اُتے حملہ کرے تاں اوہنوں قتل وی نہیں کرنا تے قید وی نہیں کرنا۔ انج پورس اوہنوں

بھین بنالیندا ہے۔

سکندر ٹیکسلا فتح کرن مگروں راجا پورس دی شاہی ول ودھدا ہے۔ اوہ پورس آل کنیں اپلی گھلدا ہے کہ ہتھیار سٹ۔ اوڑک سکندر اک کے آپوں پورس دے دربار وچ اپلی بن کے جاندا ہے۔ پورس سبجان لیندا ہے کہ ایہو سکندر ہے۔ پورس اپنے اک فوجی دستے نال سکندر نوں واپس گل چھڈا ہے۔ جدوں لڑائی ہوندی ہے تاں پورس سکندر اُتے وار کرن لگدا ہے تاں اوہدی نظر گانے تے پیندی ہے تاں اوہنوں اپنا قول یاد آ جاندا ہے۔ اوہ سکندر اُتے وار نہیں کریندا سگوں اوہدے دوگھوڑے ڈھاہ لیندا ہے۔ لڑائی وچ پورس پھڑ ہو جاندا ہے۔ سکندر پورس توں چھڈا ہے کہ تیرے نال کیہ سلوک کراں؟ پورس آہدا ہے جو بادشاہ بادشاہواں نال کردے ہن۔ سکندر تے پورس دی صلح ہو جاندی ہے۔ پورس نوشاہہ دی شادی سکندر نال کر دیندا ہے۔ ایہدے مگروں سکندر شور کوٹ تے ملتان اُتے حملہ کریندا ہے۔ ملتان دے قلعے توں اوہنوں تیر لگدا ہے تاں اوہ اگے ودھن دا ارادہ بدل لیندا ہے تے بابل جا کے اوہدی جان نکل جاندی ہے۔

ایس کہانی وچ کئی اجیہیاں تاریخی حقیقتاں ہن، جیہناں نوں یونانی، لاطینی، حبشی، عربی تے فارسی مورخاں کول وی دیکھیا جاسکدا ہے۔ پہلی صدی عیسوی دے مورخ آئرین نوں سکندر دے ہلیاں دے حوالے نال معتبر حیثیت حاصل ہے۔ اساڈے کتھی تے آئرین کول کئی واقعاتی سانجھاں ملدیاں ہن۔ کتھی دے آکھن موجب:

”سکندر ٹیکسلے اُتے آ گیا ہے۔ راجا امبھی ہو یا ہے ٹیکسلا دا راجا۔ اوس باجھ لڑائی دے

ہتھیار سٹ دتن۔“ (۶)

آئرین دا وچار ویکھو:

"He also received the presents of Taxiles the Indian, being two hundred talents of silver, three thousand oxen, above ten thousand sheep, and thirty elephants; seven hundred Indian horse were sent to his assistance by that prince, who also made him a surrender of his

capital, the largest and most populous of all the cities between the rivers Indus and Hydaspes." (۶)

لوک کہانی موجب وبہت دریا پورس دیاں فوجاں کئی مہینیاں تیکر یونانیاں نوں ناہی ٹپن دتا۔ ایہناں جھڑپاں وچ ای پورس دا پتر مری گیا۔ آئرین نے پورس دے پتر دے مرن دی دس تاں نہیں پائی، پر دریا دے کنڈھے اُتے پورس دے پتر نوں سکندر دا مقابلہ کر دیاں دکھایا ہے۔

"Other authors relate, that the Indians who accompanied Porus's son attacked Alexander and his body of horse, as soon as they set foot upon the bank; and as he had the greatest part of the forces with him, Alexander himself there received a wound, and his horse Bucephalus, which he exceedingly prized, was slain by Porus's son" (۷)

لوک کہانی وچ دسیا گیا ہے کہ سکندر نوں ملتان دے قلعے توں ای مار و تیر لگا۔
 ”بھیریوں جا کے سکندر ملتان اُتے دھاوا کیتا ہے۔ شور کوٹ لتاڑ کے گیا ہے۔ ایہہ بھڑاوس ویلے دے ہن۔ ملتان فتح ہو گیا تے آپ پھڑ ہو گیا تے باقی دے پنجاب نوں کچھ نیہسوں آکھیا۔“ (۸)

میکرنڈل نے سکندر دے مڈھلے مورخاں آئرین، سٹرابو تے پلوٹارک دے حوالے نال لکھیا ہے کہ ملوئی دے قلعے وچ ای سکندر نوں تیر لگا، جیہڑا اوہدی موت دا کارن بنیا۔ اساڈے اتہاس کار ایس گل بارے سہمت ہن کہ ملوئی توں مراد ملتان دا قلعہ ای ہے۔ میکرنڈل دے لفظاں وچ:

"But according to Arrian, Strabo, and Plutarch, the city where Alexander was nearly wounded to death belonged to the Malloai" (۹)

یونانی مورخ کیلس تھینز (Callisthene) ارسطو دا شاگرد ہاتے سکندر دے دُونیاں قوماں اُتے حملیاں سے اوہدے نال ہا۔ اوہ واقعاں نوں لکھن سے یونانیاں دیاں تھوڑاں تے دُونیاں قوماں دے گناں نوں وی سراہندا۔ سکندر نے اوہدے سچ توں کھج کے پنجاب وچ اوہنوں

پھاہے لوا چھڈیا۔ کیلس تھینز دی یونانی لکھت دا پہلاں پہل پہلوی وچ ترجمہ ہویا تے وت چھویں صدی عیسوی وچ سریانی وچ اُتارا کیتا گیا۔ ایتھوپیا دیاں تاریخی روایتاں اُتے وی کیلس تھینز دا اثر منیا ویندا ہے۔ ایتھے ایہہ گل کرنی کتھویں نہ ہوسی کہ ایتھوپک ریت وچ پورس نوں زخمی ہونداں نہیں دکھایا گیا سگوں سکندر نوں پورس نال جنگ ویلے چانن ہو گیا ہا کہ ایس لڑائی دا سٹازی تباہی ہے۔ سکندر جنگ وچ ای پورس آل صلح دا سنبھا گلھیا تے اپنے کجھ مفتوحہ علاقے پورس نوں دے کے صلح کیتی۔

ای۔ اے۔ والس نچ نے پہلوی، سریانی تے حبشی زبانوں دے کھڑیاں دا "The life

And Exploits of Alexander The Great Being A Series of Ethiopic

Texts" دا انگریزی ترجمہ دو جلدوں وچ 1896ء وچ چھپیا۔ ایہناں لکھتاں وچ وی پورس دی بہادری دے سوہلے گائے گئے ہن۔ پنجابی لوک کہانی وچ پورس نے سکندر دے دو گھوڑے ڈھاہے ہن۔ حبشی روایت وچ وی سکندر دی پنجابیاں نال جنگ وچ گھوڑی توں ڈھاہندیاں دکھایا گیا ہے، پراوہناں دی لوک ریت وچ ایہہ سبھ کجھ جادو پاروں ہویا۔

"Then Porus, the king of India, called the magicians from the temple of his god and they cast a spell upon Alexander, and his mare rose up under him and threw him on the ground, and she refused to rise up until he could lead her; now she was the mare which had by sorcery been born at the same time as himself. And Alexander thought that he would be conquered, and he was in great tribulation about himself and about his soldiers(۱۰)

عربی مورخ دیناوری تے طبری دیاں روایتاں پچھے سریانی تے حبشی تاریخ سبھ دیکھی جاسکدی ہے۔ انجیل و انگوں فارسی شاعر فردوسی دیاں روایتاں پچھے پہلوی دی تاریخ دارنگ جھلکارے پیا ماردا ہے۔ ایتھے اسیں عربی، فارسی، ریت نال ایس کہانی دی سانجھ دی ہک ہک ونگی

دینے ہاں۔ پنجابی لوک کہانی موجب:

”اوس زمانے جیہڑا اٹکانے بنیا ہو یا با سونے دے انڈے بنا کے دیندے ہائے۔ فیلقوس فوت ہو گیا ہے تاں ستارہاں سالاں دی عمر وچ سکندر بادشاہ بنیا ہے تے پیو دی گدی اُتے بہہ گیا ہے۔ چھما ہی گزری کھلی ہائی کہ ہلکارے بادشاہ دے آگن تے اوہناں آکھیا، ”اوہ انڈے دے۔“ سکندر آکھیا، ”اساڈی اوہ لکڑی مرگئی ہے، جیہڑی انڈے دیندی ہائی۔“ (۱۱)

پال وین فیلڈ نے دیناوری دے وچاراں دے ویاکھیا کردیاں لکھیا ہے:

"This is obviously a revision of what al- Dinawari, among other writers, says when he notes that Philip used to pay Dara a thousand golden eggs as tribute, and that, when Dara asked Alexander to do the same, he responded, "The hen that laid those eggs is dead" (۱۲)

پنجابی لوک ریت موجب ایران دا بادشاہ دارا سکندر مقدونی نال جنگ کردیاں زخمی ہو ویندا ہے۔ زخمی دارا سکندر نوں متاں دیندا ہے۔

”دوئی مت ایہہ وے کہ ایہہ قوم جیہڑی میری ہے، ایہہ تینوں شاہی نہ کرن دیسی تے نہ ای میں ایہناں نوں بھلنا ہاں۔ توہیں ایہناں دے ہتھوں مری جاونا۔ توں دھی میری نال شادی کریں تاں توں ایس قوم اُتے شاہی کر سکیں۔“ (۱۳)

پال وین فیلڈ نے طبری دے حوالے نال لکھیا ہے:

"Al-Tabari's depiction of the deathbed scene is even more interesting, for rather than using this episode as an opportunity to talk abstractly about the vicissitudes of power he has Dara tell Alexander that all will be well if Alexander marries his daughter Rushanak. The important thing, Dara syas, is that Alexander should "perpetuate the Persian nobility and not allow others to rule over them" (۱۴)

”شاہنامہ فردوسی“ وچ وی زخمی دارا سکندر نوں ایہا مت دیندا ہے، جیہڑی عربی تے

پنجابی ریت وچ دکھالی دیندی ہے:

زمن پاک تن دختر من بخواہ
 بدارش بہ آرام درپیشگاہ
 کجا مادرش روشنک نام کرد
 جهان را بدو شاد و پدرام کرد (۱۵)

برصغیر پاک و ہند دیاں زبانان وچوں سنسکرت نوں کلاسیکی حیثیت حاصل ہے۔ سکندر دے پنجاب اُتے حملے سے سنسکرت وی سکھراں نوں چھوہ رہی ہا۔ کجھ کھوجیاں ”پورو“، ”پورے“ تے ”پاؤراس“ دے قبیلیاں دی اودوں ہوند دا ویروا تاں دتا ہے (۱۶) پر سکندر دے پنجاب اُتے حملے تے پنجابیاں دے مقابلے بارے ایہناں لکھتاں وچوں وی دس نہیں پیندی۔ N. Gopala Pillai نے ”سکندر پُران“، ”چاندوگیہ اُپنشد“ تے ”مہا بھارت“ دے حوالے نال ایہہ دسیا ہے کہ سکندر مقدونی دا ویروا سنسکرت دیاں پرانیاں لکھتاں وچ ملدا ہے۔ اوہناں دی وچاردھارا دا نمونہ دیکھو:

"Alexander married the beautiful princess Roxana the daughter of the king of Bactria; and Skanda is said to have married Sena or Deva Sena, daughter of Mrtyu according to Skanda Purana and daughter of Prajapati according to the Maha Bharata. Now it is a well recognised symbol of language that proper names are contracted in actual usage, and the end often chosen to designate the whole (۱۷)"

اُتلے حوالے وچ یونانی تے فارسی دے جیہڑے وگویں ناں گنوائے گئے ہن ایہہ پنجابی لوک ریت تے علمی ریت دوواں دا حصہ بندے دکھالی نہیں دیندے۔

لوک کہانی وچ ورتے ناواں ارسطو، سکندر، نوشاہ، دارا تے مقدونیہ توں سبج سبھا اندازہ ہوندا ہے کہ ایہہ کہانی عربی، فارسی ریت دے تحت جڑی ہے۔ اتھے دوگلاں گوہ گچریاں ہن۔

ایس کہانی وچ پنجابی سبھا کتھے دکھالی دیندا ہے۔ دوئی ایہہ کہ کیہ عربی، فارسی ریت وچ بُنیاں کہانیاں پنجابی ہو جانداں ہن؟ یونانی مورخاں پنجاب وچ سکندر نال تن وڈیاں لڑائیاں دی دس پائی ہے۔ سکندر نوں اپنے جیون وچ سبھ توں اوکھی جنگ راجا پورس نال ای لڑنی پئی۔ ایہہ دے مگروں یونانیاں سانگلہ تے ملتان دے قلعے کوئی راہ ویندیاں فتح ناہن کر لئے۔ ایہناں جنگاں وچ وی وڈی تباہی مچی تے اوڑک سکندر دی فوج ستلج دریا جھاگن توں نابرتھی گئی تے اوہدا گنگا، جمنا ول ودھن داسُفنا کھیر وکھیر ہو گیا۔ میکر نڈل دے آکھن موجب:

"Alexander, with all his matchless startegy, could not have averted such a catastrophe; for what is the record of his Indian campaigns? We find that the toughest of all his battles was that which he fought on the banks of the Hydaspes against Poros; that he had hot work in overcoming the resistance of the Kathaiaans before the walls of Sangla; that he was wounded near to death in his assault upon the Mallian stronghold; and that in the valley of the Indus he could only overpower the opposition instigated by the Brahmans by means of wholesale massacres and executions."^(۱۸)

پورس دی بہادری نوں تاں تن براعظماں یورپ، ایشیا تے افریقہ دے اتہاس کاراں نے سلاہیا ای ہے، پر سانگلہ تے ملتان دے سورے لوک ریت دا حصہ نہیں بن سکے۔ اساڈے کتھی نے پورس نوں بہادر ہون دے نال نال اخلاقی سطح اُتے جتدیاں دکھایا ہے۔ سکندر اپیلی بن کے پورس دے دربار وچ آ وندا ہے تاں پورس سبجان لیندا ہے۔ کتھی دا چار ویکھو۔

”اپیلی اُٹھیا ہے۔ تلوار میان وچوں چھک کے گُرسی اُتے ٹھوکی سو۔ آکھیوس، ”ہُن سدیا ای۔ میں ہاں اوہدا نمک خوار۔ میرے ہونداں مت کمینہ سدیں۔ میں حلق کولوں زبان چھک لیاں۔“ راجپوت بل اُٹھن۔ ”ایہہ کون ہے؟“ پورس وری کڈھ کے آکھیا، ”میں سکندر دی کنڈیوں کچھے تاں کمینہ نہیں سدیں۔ میں سکندر دے مونہہ اُتے پیا کمینہ سدیں۔ کمینہ نہوں

تاں ہو رکیہ؟“ وزیراں ہائے ہائے کہتی۔ ایہہ تاں اپلی ہو یا۔ اوس آکھیا، ”اپلی میرے کول اگے وی آؤندے رہندن۔ ایہہ شاہی اگ ہے جیہڑی اگوں کھاوندی ہے۔ اگ ڈکیندی پئی ہے اگ نوں۔“..... پورس آکھیا ہے، ”خبردار سکندر ہے تے آیا ہے اپلی بن کے۔ اپلی مارنا رٹھی کائی نہیں۔ مڑتاں میرے جیڈا مکینہ کوئی نہیں کہ سکندر آوے اپلی بن کے تے میں اپلی مروا گھتاں۔ جا سکندر چلا جا بھیڑا کیتا ہی کہ ناہیا آونا۔“ (۱۹)

وہیت دی لڑائی ویلے سکندر پورس دے وار پٹھ آوندا ہے، پر نوشاہہ دے بنھے گانے تے نظر پیندی ہے تے سکندر نوں قتل نہیں کردا۔

”سکندر گھوڑے اُتے چڑھ کے آیا ہے۔ پورس ہاتھی اُتے ہا، پورس ہتھ اُلا ر کے سٹواں برچھا مارن کان برچھا تولیا ہے۔ شست تھہراون لگیاں گانے تے نظر پئی سو۔ ہنجوں ٹپیاں سو۔ ہائے زبانی، تینوں وڈھ سٹاں۔ ہُن راجپوت نیموں رہندا جے سکندر ماراں۔ برچھا مار کے گھوڑا ڈھاہ لیا سو۔ سکندر دُوئے گھوڑے اُتے مڑ چڑھ کے آیا ہے۔ ایس دوا وی برچھے نال ڈھاہ لیا ہے۔“ (۲۰)

انسانی تاریخ وچ ایہہ گل تاں سچے ای ویکھی جاسکدی ہے کہ گور، پلال تے مکرناں کنیاں ای جنگاں جتیاں جاندیاں رہیاں ہن۔ لہندے دی سوجھ توں لے کے ”مہابھارت“ تیکر ایس گل دی دس پیندی ہے کہ محبت تے جنگ وچ سبھ کجھ جائز ہوندا ہے۔ پنجاب دی ہزاراں ورھیاں دی سورم گتی ریت ایہناں وچاراں دا ہنگارا نہیں بھربندی۔ پنجابی وسیب نے سورما اوہنوں ای منیا ہے، جیہڑا اوکھے توں اوکھے حالات وچ وی جیون دیاں اُچیاں قدراں دی راکھی کردا ہے۔ بھین دے رشتے دا آدر، کیتے قول پالنے تے ہوندی طاقتے ٹل جانا ایہہ اوہ قدراں ہن جیہناں نوں پنجابی وسیب ہمیشہ سراہیا ہے۔ اُتے دتے دوویں واقعے بھاویں تاریخی سچ نہ ہوون، پر ہک بدلیسی دھاڑوی دے مقابلے تے پورس کان پنجابیاں دے گل اچیت وچ بیٹھی پریت دی گھاڑ چا پدے ہن۔

جیویں اسیں پہلاں نتاریا ہے کہ ایس کہانی اُتے عربی، فارسی ریت دا پرچھاواں ہے۔

اصل وچ لوک ادب تے وچار دھارا دا کوئی حد بنا نہیں ہوندا تے نہ ای ایہہ ٹھلھیاں ٹھلھی سکدیاں ہن۔ کہانیاں دی آواجائی تاں ست سمندراں توں پار تیکر وی دکھالی دیندی ہے۔ اساڈی ریت وچ ”یوسف زلیخا“، ”داستان امیر حمزہ“، ”جنگ نامہ امام حسین“ تے ہور کنا کجھ باہروں آن رلیا ہے۔ ایہہ کہانی تاں اساڈا پرتیا ورثہ ہے، جو سکندر دیاں پراجیاں توں پورس بارے جوڑیا ہے۔ پال وین فیلڈ نے سکندر بارے پرچلت تاریخ دے تیرھاں سچے گنوائے ہن، جیہڑے جگت پدھر اُتے وچارے گئے ہن۔ اوہناں وچوں ہک سچا سکندر تے پورس دی جنگ وی ہے۔ (۲۱) انج جاپدا ہے کہ پراجیاں توں جدوں سکندر توں ودھ بہادر پورس لکریا تاں اوہناں اوہدی سو بھا کر کے اپنی کسے ہیٹنا دی تلافی وی کیتی ہوی۔ یاں بہادری ورگی قدر دی سچی سراہنا۔ کلاواں دے کھیتز وچ وت وچارن تے وت آکھن سدا توں لگا آیا ہے، پر جدوں کسے وچار دھارک منصوبہ بندی توں اڈ لوک ریت ایہہ ذمہ واری اپنے کنھاڑیاں اُتے چکدی ہے تاں کسے قوم دے گل اچیت دا اظہار ہوندا ہے۔ کہانی نوں ہک گل دے طور تے ویکھیا ونجے تاں ایہدی بُنت، بولی، تجسس، ناکی ڈھنگ، پنجابی وسیب دی سورم گتی دا پیمانہ، رکھنی تے شادی دیاں رسماں، کلاسیکی تے لوک ادب دیاں مثالاں راہیں جذبیاں دے اُتار چڑھا دے بیان پاروں لوک ریت وچ رچی ہوئی ہے۔ انج ایہہ پنجابی لوک ادب تے زبانی تاریخ دا انکھڑواں انگ بن گئی ہے۔

☆☆☆☆☆

حوالے/حاشیے

(۱) Buddha Prakash, History of Poros (Patiala: Punjabi University, 1967) 38

(۲) سعید بھٹا، ”راجا پورس“، راوی، ۸۰ (۱۹۹۳ء) ۷۶-۲۶۶

(۳) سعید بھٹا، کمال کہانی (لہور: سانجھ، ۲۰۰۶ء) ۲۲

(۴) سکندر دے باہلے اتھاس کاراں اوہدے پیو دا ناں فلپ لکھیا ہے۔ لوک کہانی وچ اوہدے پیو دا

ناں فیلقوس ہے۔ فردوسی نے وی ”شاہنامہ فردوسی“ وچ فیلقوس ای لکھیا ہے۔ خورے پنجابی ریت
وچ ایہہ نائن فردوسی دے اثر پاروں آیا ہووے۔

(۵) بھٹا 40

(۶) Arrian, Arrian's History of Alexander's Expedition Trans. Mr Rooke.
vol:2 (London: R. Lea; J. Nunn; Lackington, Allen And Co, 1814.) 7.

(۷) Arrian 27.

(۸) بھٹا 46

(۹) J.W.M'Crindle, ed., The Invasion of India By Alexander The Great
(London: Methuen & Co, 1969) 236.

(۱۰) E.A. Wallis Budge, Trans, The Llife And Exploits of Alexander The Great
Being A series of Ethopic Texts, vol 2 (London: C.J. Clay and sons,
1896)121

(۱۱) بھٹا 29

(۱۲) Paul Weinfield, "The Islamic Alexander A Religious And Political
Theme in Arabic And Persian Literature," diss., Columbia U, 2008,61.

(۱۳) بھٹا 31

(۱۴) Weinfield 61.

(۱۵) فردوسی، شاہنامہ فردوسی، جلد سوم (تہران: انتشارات و آموزش انقلاب اسلامی،
1370 ش 1366

(۱۶) Prakash 20.

(۱۷) Proceedings of the All India Oriental Conference, vol IX
(Trivandrum: Government Press, 1937) 955-97.

(۱۸) M'Crindle 4.

(۱۹) بھٹا 42

(۲۰) بھٹا 44

(r) Weinfield 31.

